



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXIX. Gregorii Papae I. Ad Constantivm Episcopvm
Mediolanensem. Maximi Salonitani episcopi causam, quam Mariniano
commiserat, episcopo Mediolanensi iniungit.

urn:nbn:de:hbz:466:1-15221

EPISTOLA LXIX.

GREGORII PAPÆ I.

AD CONSTANTIVM EPISCOPVM MEDIOLANENSEM.

Maximi Salonitani episcopi causam, quam Mariniano
commiserat, episcopo Mediolanensi iniungit.

Gregorius Constantio episcopo Mediolanensi.

MA XIMVS Salonitanæ ecclesiæ præuaricator, post-
quam per potestates maiores faculi obtinere nihil
valuit, ad minores se se contulit, nobisque tam nimieta-
te precum, quam attestatione bonorum operum præua-
lere contendit. Ex qua re inhumanum credidi, si is qui se
multum timere me dicit, in aliquo me temperatiorem mi-
nime inuenire potuisse. Et ideo decreui ut reuerendissi-
mus frater & coepiscopus noster Marinianus eius causam
debeat in Rauennati vrbe cognoscere. Si autem persona
eius suspecta forsitan habetur, volumus vt vestra quoque
fraternitas, si ei laboriosum non est, ad eamdem ciuita-
tem fatigare se debeat, & cum prædicto fratre in eodem
iudicio pariter sedere. Quidquid autem vestræ vtrorum-
que sanctitati placuerit, scitote mihi modis omnibus pla-
citulum. Vestrum ego iudicium meum deputo: & quæ
vtrique vos relaxanda esse censetis, me relaxare certum
tenete: hoc tamen solcite pensantes, ne aut cum peccato
remissi, aut cum iniuria sanctæ ecclesiæ esse videamur au-
steri. Huius autem causæ executionem Castorio chartu-
lario iniunximus, vt ipse nobis debeat cuncta quæ acta
fuerint subtiliter renuntiare.

Ioan. disc.
lib. 4. c. 12.